

路南縣志

地 350.31

41

2124



路南縣志

丁巳秋中

唐繼堯題



路南縣志稿序

志縣之書治縣之資也

路南舊為州近始改縣

州志四卷乾隆二十二年

知州史進禹尉學正郭廷

選所纂也洱源馬君錦

帆以民國五年知路南縣


事求舊志已不可得迺

聘其友楊君雨膏相與
就省府志各門中及於路
南事者分摘排纂而近
事則稽彙冊徵采访依
類增載亟々將事成路
南縣志稿十卷其於
知縣事也可謂副名實
而亟先務矣夫方志之

書謂之外史其為書必
綜古今知體要壹歸於
詳實故集費開局延聘
雅流聚書謀野需以歲
月書成猶不能無舛漏
而况倉卒殺青其疏略固
不必滯也馬君楊君之意
六曰掇拾補苴慰情勝

無存此稿亦以有後人之
增補刪正其於治縣之資
庶幾裨補什一而已然而
馬君則固已不傳舍此官
知勤所事可以風勵今之
從政者余雖未見其書而
不辭所請為序其端亦猶
二君之用意也夫丁巳秋九

月釗川趙藩誌



路南縣志序

昔章實齋氏有言州縣志書下為譜牒傳志持平上為部府徵信實朝史之要刪也雲南一省都九十餘縣而方志有成書者只四十餘縣其餘尚付闕如豈故有而已散失耶抑兵燹以後者舊凋零新政繁興未遑茲舉也嘗攷周官小行人出使四方反命則以萬民利害及禮俗政教之類獻之於是史官得所據依勒為專書以備執政者之攷求今邑志闕漏如此執政將何所藉以求治史官采風自下又將憑何者為筆削資耶路南一縣當漢律高雋境唐為隴堤麻泉兩縣地開闢最早而山水之清竒人物之殷盛自昔著稱百餘年來變亂迭經地方物力人才亦漸就衰替矣將何如興草損益以蘄於治理歟是賴邑之賢有司與縉紳先生悉心探討乃能有得而本所得以輯成一方之志用備徵采且資以施行者亦於是乎在丁巳八

月邑宰馬君錦帆馳書告余謂邑志未成心竊疚
焉爰與邑人士悉力纂修不日告成丐一言為序
余以邑志之重要既如上所述而馬君顧能亟亟
於此可謂知所務矣余既樂觀厥成而馬君治縣
之績亦將以是覘之特書以弁諸簡端

勳四位二等嘉禾章雲南鹽運使兼代行省長事

由雲龍撰

由雲龍印

路南縣志序

史家以志為窮難而地志尤佳
貽懺對山子尹修志著矣或
告則舊矣濬實齋論志精矣
或失則拘余修周史志選舉
並助菽之文初稿之初未嘗
一得也兩求其管則迄今每以自

信又修石屏縣志志沿革不
可自信如故已嘆矣矣濬對山
洪尹且未免貽懺于吾人矧
吾人亦學識又自愧于矣濬對
山諸君者哉今路南縣志成于
縣知事馬君及進使閱序于
余路南在潯屬益州元明設官



彬之日盛而志願闕如夫志也而
可終于闕哉天下大勢因民情
然一方沿革國民情然而東西
西可甲可乙無歷史學以爲之
基礎使教育盛實業興風氣
開言以鑄國民而成郅治焉
其游學歐美馳騁數千里深
知夫天下國家之自強且久何
以弱且亡與學成歸國未克遽
行其長而小試之于縣尹
子愛國之心不以成敗異不以
鉅細分一而治一縣一縣治且
不以一時之治治而以教子年
歷史學其基爲之治斯其

治績可知而其修志之或企
乎夾溪對山諸頁且多進焉
亦可知已可具名標字錦駉
涇源人与余世交余敢言其益
充其志縣志之心事民事
治縣治俾後之重修縣志
者于名宦傳中詳其治
績是尤余之厚望也夫民
國六年八月石屏表嘉穀
橋五甫序于滇省移山移



路南縣志序

余嘗橫渡海洋覽歐美文化之盛漫採印緬探蠻荒風物
之奇竊歎宇宙之大品彙之繁東西異勢寒燠異宜文野
異俗非紀載無以詳非志無以明故凡足跡所經舟車
止暇手購式編歷歷在目益見夫志之爲書匪第足引起
發鄉愛國之觀念抑亦惠及世界也考古家地理家博物
家與夫游歷家之好資料也彼夫新進崛起之邦彈丸黑
子之地尚欲藉是推尊其先世誇耀於地球矧我四千餘
年之古國區區之內載在版圖者而遂舍此不務哉路南
在唐宋以前忽焉建置忽焉荒廢故無成典可考似矣自
元明以降設官分守政教敷流迄於今六七百年矣且距
省治未遠當得風化之先何遺典舊章民焉滅沒俾邦人
士胥茫然出謂官守者無考鏡出資宗功祖德莫覓傳薪
片羽吉光胥歸劫火言念及此能無慨然余承乏斯土每
於政暇旁搜幽隱博訪舊聞恒以修志爲己任猥以業之
三長自慙謝劣期之不敢以是盜名顧念物以久而愈殘
事以遠而益晦不肖在始奚以告成此日正出粗具體裁
而願後出來者從而修飾潤色也語曰推輪爲大輅也始

其始也簡將畢也鉅不亦可乎抑欲以是啟發斯邑人士
爰鄉爰國之心俾善自爲謀將進而爲種種之著述以與
他是競更進而與文明之外邦競此又余之厚望也爰與
是中搢紳商之則皆贊同乃聘洱源楊君雨膏主稿楊君
固宿士也四閱月而藏事余與邑中張致中張紹曾諸君
復從而訂正之書既成特弁數言於簡端以誌其緣起云
耳

民國六年九月縣知事洱源馬標錦颯甫序

路南縣志序

中國自改革以來頻年用兵未遑文治丁巳夏四月

中潤

僑居省會時值錦駟馬君出宰路南致函聘修

其邑方志自維才識粗疎力小任重恐不免覆瓿貽
譏而馬君雅意殷殷辭之未獲勉應斯役路南苦於
咸豐之亂舊志無存兵燹後幾五十餘年矣老成人

士亦已凋殘文獻不足罅漏之處咎無敢辭謹就耳
目所及紀載於編都為十卷因念馬君能於稱戈比
干之時舉一切徵兵籌餉勦匪辦團諸急務外猶懷
守缺抱殘之感想作彰美傳盛之事功亦可謂勤於
所事而達治國之經常矣書成爰為之叙曰
井鬼星分談天者謊經緯纏度姑置無論叢爾一州

毗連九屬山川錯雜俗尚醇樸作地理志第一

古號昆州年時無考邑市律高開闢獨早有明建國

裁縣併州築城濬池捍衛邊郵作建置志第二

勝國典章永不加賦新政頒行須民擔負滇疆首義

籌餉籌兵練團緝匪苦我人民作賦役志第三

元置中慶邑居其南聲名文物已渥恩覃前清末年

學堂改設思啟文明追蹤他國作學校志第四

昌黎闢佛終古如初他國宗教尤勝於吾鬼神至德

孔子有言國之大事祀典為先作祠祀志第五

不有官師誰為整理雖曰公僕責任無已舊志湮滅

無可考徵姑從缺略以俟後人作秩官志第六

鄉舉里選我國舊規積久生弊科舉繼之今仿他人

復行選舉不數年間風潮疊起作選舉志第七

國之四維禮義廉恥并此不談國將誰恃路雖小邑
仁讓風行忠孝節烈代不乏人作人物志第八

雨露風雷四時有序天地大文不言而喻文以載道
古聖薪傳六朝靡靡何補時艱作藝文志第九

環山積雪瀑布飛泉天然勝覽泯沒無傳見龍在田

衆目共覩聊備一端亦非妄語作雜志第十